



Rundtur Grønelida

7 km

Tur nr. 12

www.harpefossen.no/turar



2 t

Variert og lett tur på både grusveg, sti og i terreng. Du passerar gamle setremiljø, hyttefelt og grønne lider.

Stikryss

Harpefossen / Tippabrua – Harpefossen Hyttegrend – Naustdalssetra – Mørsynnøvebakken – Ljosurbrua – Bjørhovdesetra – Setreelva - Ljosurelva – Furuhogane – Harpefossen Hyttegrend – Harpefossen / Tippabrua

Turbeskriving

Frå parkeringsplassen ved Tippabrua på Harpefossen (Varmestova) går turen langs den Trondhjemske postveg forbi Naustdalsetra, Mørsynnøvebakken (1,5 km), Ljosurbrua til Bjørhovdesetra. Her tek ein til venstre i skiltkrysset og følgjer setrevegen 250 meter fram til Setreelva kor ein tek til venstre. Her følgjer ein skogbilvegen 550 meter vestover og nordover til endes. Løypa er derifrå merka i overkant av myrene slakt stigande oppover mot skiltkrysset ved Ljosurelva (1,0 km). I krysset fortsett ein rett fram over Ljosurelva og deretter Kjenndalselva før ein er framme ved servicebygget for Kjenndalsheisen på Furuhogane (250 m). Herifrå går turen ned att gjennom hyttefeltet før ein er tilbake ved utgangspunktet på Harpefossen / Tippabrua (3 km). Ein alternativ trase frå Furuhogane og ned er å følgje Høgebakkløypa i overkant av hyttefeltet (2 km).

Turen passer for alle som klarer å ferdes i terrenget og krysse mindre elver.

